



者急刑罰有兵大臣憂水守水災道不通容
守多風雨及水災臣下賊王者政刑事內明
通明有政事內情月暈壁其久國亂禁字行
犯兵起火守火災大廟門天下有兼并者辟
明王道與有君子在位星暗王道衰人得用
武蘭涼衛州等分也



羽林軍星四十五星彙辟十二星並在室南
主翊衛天子之軍人安飛將星欲威明天下
安星暗兵盡失西入室五度去北辰一百二
十三度也



王良五星在奎北河中為御馬官漢中四星
天駟旁一星名王良主疾及路為天橋主急
兵也星不具津河不通移向四方隨方有兵

起也

策

策一星在王良前為天子僕象御馬云王良
策馬軍騎滿野大兵起火守良兵起明則馬
賤暗即馬貴西入室半度去北辰四十二度



土公二星在壁南主營造宮室起土之官等
類也



天觀十星在壁北主天子馬坊鹿苑之官也

通占大象曆星經卷下

二經同卷

靈臺經

秤星靈臺秘要經

堯

靈臺經

定三方主第九原缺第一

寅午戌畫生日本土夜生木日土

申子辰畫生土水木夜生水土木

亥卯未畫生金火月夜生火金月

巳酉丑畫生金月火夜生月金火

右件凡畫生看日所在之宮以定之夜生看

月所在之宮以定之而為主也

經云畫生人日在陽宮夜生人月在陰宮為

不背三方主皆得力大富貴之人也若畫生

日在陰宮夜生月在陽宮此為背三方主合

一生貧賤據此論之恐未臻元奧

又四門經云若雖不背者三方三方若在無

力之地或伏留逆行即不可以為有福之人

也若雖背者三方主三方主若在有力之地

或居王廟之宮不可便為無福之人也然有此論又別無斷定今是以撮其樞要准以為標庶有効焉凡論人災福以卯辰巳為少年時以午未為中年時以申酉為老年時若初主在少年時中主在中年時末主在老年時

為不背三主大貴之人也若初主在老年時末主在少年時此為背三主也若初方主在北面以西為初年戌亥是也以北為中年時子時是以東為老年時丑寅是也如論向背以南方而言之見其向背也若方主雖逆行伏留或在王廟之宮但依加減論之方見准的也若初中主在本分地位末主在中主前者其三主減半論之若末主在初主前者在卯北其末主並不論其災福若在卯南者即全力論之其初末主俱不論之也若中主在初主前者居卯北即中主全不論之其初主亦減力論之若在卯南者即初主全不論之

星之力以定貧富貴賤併其星曜力分分雖數以定之凡定三方主遠近先算壽期長短以三限分之即可定期遠近之災福也以定災福應驗之期也

飛配諸宮第十

古經云以二十八宿定一十二月時從朝日數之以定身宮蓋太陰行度有遲有疾有旺如難為約定但以曆算先定太陰所在之宮便為身宮以加時所至之宿便為見生之宿於此宿上有三絕之宿先數七宿為第一絕次數十宿為第二絕更數十宿為第三絕凡相去二十五宿也假令畢為見生之宿即從畢數七至星為第一絕又從星數十至尾為第二絕又從尾數十至奎為第三絕凡為三絕日得患者難治也 右身宮

但生時諸星曜落在陷宮及五弱之位者若與月同宮即不為陷緣日月無陷宮故也或若對望身合見即可減三分之力論之若在本分王廟之宮即全力論之若日木在星大貴有錢長壽火在坊母火在前損日月減即

可土在作事多滯宜修遺金在好容貌多愁得女人愛慕水在好文心巧有智文在宜官天一在小年近貴人也太一在毒害多災若有癰疽及蟲傷火燒應之即吉與交同 右身宮災福

蓋唐經云以太陽所生之宮宿為命宮以加時所至之宿便為命宿亦於此宿上有六害之宿以太陽所在之宿為第一命宿前數四宿為第二宿又前數七宿為第三宿又前數四宿為第五宿又前為第六數五宿宿若諸惡星押此六宿悉有災厄以星曜之力言之押命宿多災厄押意宿多不稱意押事宿多飛禍押克宿多賊害押聚宿多死亡押同宿多離別假令太陽在妻宿便以妻為第一命宿數四至畢為第二意宿又自畢數七至星為第三事宿又自星數四至軫為第四克宿又自軫數四至辰為第五聚宿又辰數五至箕為第六同宿他皆倣此又都例經云天輪初出地平際卯上星辰為命宮以次定十二位所有災福在七強宮中 右命宮

畫生從日夜生從月從東出配之至終如配在七強福祿常配在五弱位即福薄仍須以星曜逆順及王廟言之分其分數須看配到之處有何星曜照臨考合以定厚薄又須看財位強弱助之若畫生夜三方主皆弱

右福德

不以畫夜從財官主數主財官從東出配之至終看其位高下及有無星曜照臨考合定之其主是日因先代月因外家木因官長火因兵盜土因奴僕田園水因文書金因妻如已上宮中有善星必因上事成之惡星因上事破之首尾即兵盜破太一如上天一因貴人成之 右財帛位

白日從木至月夜生反此從東出配之善星守之長命惡星見之夭折但見木月有善若木逆月在同官未則短壽又惡星剋即夭亡畫生火與月同亦夭亡如土剋日火剋月太一剋木皆滅一分之力木月又在無力之地又滅一分之力火守西沒滅四分之力火守八煞惡死但善見木月滅一分之力常以善

惡累增損之則得壽長短限得陰範策有百六之會易周有百八之數每一紀為一分之壽即九分有一百八歲也如除德可延一紀者即一百二十歲如定得分數即餘年餘月餘日尚未知之即取木星餘日以太陽餘日乘之所得以周天分除之所為歲數餘則素

之其周天分除不盡者命以三十除為別本以一十除為歲數今且以十二除之月數不盡為日數則得所之紀餘年餘月餘日也每一紀一十二年此法甚妙更有一法在行年官篇收之又若生男後三日及九日月至火守虛生女七日後月至土守虛必主撮口夜生尤甚妙 右壽命官

畫生從土至火夜生反此從東出配之如是日月木水並好死是蝕神火守惡死金因女人死土好道死木卒死水冷疾死土腹疾死火見血死蝕神驚怕死幸劫死天一與惡星併藥死又常以申酉二位定之不以貧富貴賤先須看此二位大底不宜見火必主惡死雖大貴亦不免之故李公云火星入官一度

至三度皆死至八度乃劍死至十一度縊死至十四度水死至十七度呪詛死至二十度驚劫死至二十三度蟲傷利害死至二十六度非橫死至二十八度墜撲死至三十度市死又若火在八煞位角亢水死戌房心狐魁死尾箕蟲傷死斗牛女抵觸死虛危魂寐死室壁水死奎婁蟲傷死胃昂骨鯁死畢苗參馳驢死井鬼柳捕逐死星張馬墜死翼軫蛇豕死十五度必市死又云自南六宮乾位蟲傷并市死北面六度陰謀水火死如火伏在此及身命有木貴而夭亡無金木夭折中年死又一法如算至某年某月日死者看其火在何宮及看身命有何星曜以此言之即知死之所因也陽宮從師子宮星宿順行數為頭張翼軫角亢戌房心尾箕斗牛女虛六度已前皆為陽位也陰宮從巨蟹柳宿逆數為頭至鬼井參胃昂畢婁室危虛七度已來為陰宮也日月木疾病死火見血死土墜死金因女人死水文字死交中朋友死天一貴人害死太一兵盜死不然用兵死 右

死四宮

從師子星宿順數為頭至張翼軫角亢凶房
心尾箕斗牛女虛六度已來為陽位也 右

陽宮

從巨蟹柳宿逆至虛七度已來為陰位也

右陰宮

晝夜皆從月至第八位東出配之看此位官
辰宿曜言之但火土到此宮即為災如火土
是主星不為災也即蝕神天一為災矣又看
其下臨何宮位以所併之宮是何宮所臨之
位是何位即言其妨害緣主星在此不為身
分之災必臨注他人也如行年星曜到此宮
亦與生時同論之也若生時即主一生之事
若行年如此者即以星曜在此宮月日為限
也 右災厄宮

晝夜皆從日數至第六宮從東出配之以此
宮宿所主言之日月主眼目之疾木主風疾
火主瘡癩土主腫痛水主冷疾金主嗽疾交
中內疾天一心疾太一中惡之疾此乃生時
即一生如此行年即一年也 右疾患宮

晝夜從土數至木從東出配之以此位官宿
所主言及看強弱星曜臨照定其吉凶若身
命及此宮配在師子人馬磨蝎實瓶雙女皆
主少兄弟如得魚羊蝎蟹即多兄弟如是魚
羊人馬夫妻有異類兄弟又從水數至木從
東出配之其人剋為妙配在福德相貌位有
兄弟相宜又以火守三方主居上位惡星不
剋為妙中所經歷者星是兄弟數看此位亦
如上法即知姊妹強弱也如要知兄弟之數
白日看南面之宮有幾星夜生者北面之宮
有幾星是兄弟姊妹之數陽是兄弟陰是姊
妹要知得力與不得力者看其星善惡斷之
也 右兄弟宮

晝夜皆從土至金東出配之看星曜論吉凶
但妻宮妻位并見金唯不宜見火見即不言
若善星助亦妨惡星剋即姪亂惡聲名敗家
風若金在妻亦姪亂若火火即為娼婦若木
見則有二妻得女人之財若日月見得好妻
若土見難婚及老幼不等若見水得好妻會
文字音律若蝕神妻惡亦妨之見天一得貴

族之女見太一得醜惡之妻又須以其宮在
高下位定之又從數至日月從金配之約虛
處以行年配至終 右妻妾宮

是婚姻之年也此宮唯忌土火見之必主難
婚或以賤為妻亦少子若土見金又見妻宮

妻多病及不具是若火見金妻不良火在金
宮金度亦同 右會合宮

晝夜從金至土東出配之若其中有星曜如
上斷之亦依妻宮斷之 右夫宮

晝夜從木至土從東出配之若其中有善星

必生好男女有惡星必主妨害如自東出至
加臨所至之宮其中所經歷者星曜是女數

如先見陰星首生是女先見陽星首生是男
以善星為淑善之男以惡星為兇暴之子以
伏逆為傷害也以陰陽星定男女力 右男

女宮

晝夜從火至木東出配之如行年上有金木

到此必有男女又木到火金元守有子又行

年至木金元守火到本元守亦有子又土與
金水對少子若金月與惡星同在翻復宮絕

嗣若星在陽宮生時屬陰又在雙女身宮主
雙生如增修宮在高位見月即男女易養若
金在陰陽宮第二分絕男女主不生養 右
生有官

晝夜從日至木東出配之在有力之位善星
臨照即有好男女若被忌星剋之即少子難
養有少亦妨之 右男宮

晝夜從月至金東出配之一如前法善惡星
斷其吉凶要知其數看從東出配到之宮有
幾箇星是其數也善星言惡星凶以陰陽星
定其男女也 右女宮

白日從日至土夜生反此東出配之如有善
星父貴如晝生日見火夜生土見日日與蝕
神同並主妨父也 右父宮

晝生從金至月夜生反此東出配之看星善
惡定其吉凶如晝生火見月夜生土見月及
月在上下宮皆主妨母日月同在翻復宮又
居東方此人父母不同類日三方高父強月
三方母強也凡日月與東出宮背又被惡星
照此人父母必主離別如金月在上下宮母

賤亦惡聲名日官主及三方主在奴婢禍害
宮必父賤及無祿也若月宮主及三方主在
第六十二母賤短壽 右母宮

晝夜從官宮主數至官宮東出配之看其高
下在高位即為官大貴若在下位即為官卑

下如雖在高位主星不照惡星不剋居官而
無祿也若在下位主星又照或居王廟則為
大官只是不清貴也如木日水天一交首占
高位為文官土火金尾帝在高居武常以星
力淺深強弱定其高下又以其星是主與不

是主及王廟言之又從土至月東出配之為
武官從木至水東出配之為文官其高下如
上法斷之 右官祿宮

晝生從月至水夜生反此東出配之唯不宜
蝕神太一土火並已與身為仇雖害施恩禍
報若此星曜對望旁舍同此論之若此星曜
在王廟反災為福宜近武勇之人結交得力
也若火在小十宮即被人謀害又日被火剋
月被土剋並不宜知已也 右交遊宮
白日從月至日夜生反此東出配之此官所

主喜星見好修飾見日好道見木好丹見月
好釋見火多禮見土好長生之術見金好女
人見水好文章見火好武勇見天一好接貨
人見太一好姦虛作盜對望旁舍見亦同此
右精魂增修宮

白日從相親宮至精魂增修宮夜生反此東
出配之若得牛羊魚鷹等宮多情慾如見金
尤甚若水在羊蝎火在花樹鴛鴦好男色金
月在第四男女俱姪為巫覡若金留與眾通
若土水剋則姪於六畜火與金姪常不足金
在第八好男女色火在第九亦同金在獅子
好奪人妻妾金在蟹磨有穢行月在張九氏
十二三三十四尾十二胃十四井二十四金
在奎二參一井十九柳十三辰五斗十三危
十一日在室十三翼十三水在井十五翼三
辰四火在井十五翼十五角六亢四氏五巳
上皆主姪穢亦以賤為妻或受他妻為妻其
官若男女宮併即幸於男女也與奴婢併即
幸於奴婢也但以所併者必私通之也又金
在第七位土火同宮浮惡毒與外人私通不

擇好惡金在官宮月在田宅合取親戚為妻
其位高強即吉 右情慾宮

晝夜從水至月從東出配之如在高位好星
見得奴婢之力如下位惡星臨之主不得力
宜子細定之若惡星守照必婢逆作賊火土

首尾見之常有害主之心 右奴婢宮

白日從情慾至水夜生反此東出配之看所
臨之位必主事多艱迫也假如臨男女宮即
於男女上多致艱迫 右艱迫宮

從天想宮日至月地想宮從月至日此二宮
皆業次之分也每宮分為三分即每分十度
也此定之其事極繁皆出五行定分經中此
乃更不具錄也 右天想宮

秤星力分第十一

夫定人災福先以身命宮次以三方主定之
若身命宮主不得力但得三方主居好處亦
得中下宮貴如三方主俱不得力身命主在
好處亦得小富小貴本在第三宮與月同俱
不為陷又日月無陷宮所到之處皆如福如
星曜在五弱之位見日月俱不為陷仍可減

力論之如首尾在四正宮為官之人也首多
言尾多凶如太一土火雖為官必患惡瘡致
死也若身宮主及方主俱在下位餘星在高
位得三分之力若居王廟之宿得六分之力
身命主及方主俱在下位居王廟之宮諸星

在高位得七分之力若諸星不得力得四分

之力若身命主方主在下位居王廟餘星在
高處亦居王廟得八分之力若身命主方主
居高餘星在下位居王廟得九分之力若身
命主居王廟占高位得六分之力若身命主

不在好處三主居王廟在好處方主王廟在
下之位得六分之力在有力位但身主命主
與方主併即未定其災福仍須常見日月即
得十分之力每星曜見日月即得十分之力

每星曜見日月即加二分之一力不見即可減
二分之一力論之星曜在王廟好樂得多少力各
不同本在室得八分力在鬼得十分力在人

馬得四分之力火在心得十分力在斗得六分
土在斗得十分力在亢八分在虛四分之力金
在亢得十分力在胃九分在昴八分力在畢六

分在室五分之力水在翼十分在軫九分日
在星十分在婁八分月在胃八分在昴七分
在畢六分在蟹宮得四分力首在星得六分
力在軫八分力尾在壁八分天一在女得十
分之力月字柳得六分之力若身命主方主

在王廟居強位見日月得十分力若在於本
分地位倍之如留又倍之得三十分之力也
若在下位得七分之力見日月得七分之
力若餘星不在王廟居強位見日月得八分之
力不見日月不得力若餘星在高處不居王

廟得八分力不見日月五分之力但與主星
減二分之一力論之也凡星曜入王廟之宮不在
王廟之度有及與不及至與不至亦須加減
是之或向或背亦須增損斷之向王廟之度
者為星曜順行其王廟之度在前若星逆行

其王廟之度在後即為向也背王廟之度者
為星曜順行其王廟度在後星逆行王廟度
在前皆為背也又及與不及者為王廟之度
在前星行得其度為及也不及者為王廟
之度在前星行不至其度便留留乃逆並為

之度在前星行不至其度便留留乃逆並為

之度在前星行不至其度便留留乃逆並為

之度在前星行不至其度便留留乃逆並為

不及也不至者為星曜逆行王廟之度在後
 欲至其度而使留留乃復順為不至也得至
 者王廟之度在後星逆行入其度也向者得
 及得至者並減二分力論若背與不及不至
 者並減四分論之若近者王廟之度三日而
 得至者並可減一分之力論之若在其王廟
 之宿度即十分論之更若臨本分地位者倍
 而論之若留守其宿者又再倍而論之若順
 即為文逆即為武須在七強之位即大貴也
 若身命主方主在五弱之位者大貧之人也
 凡言善星被惡星剋者雖是同官須有凌犯
 即為剋也若惡星在前日月五星不出其官
 行住犯之即為災若惡星在後星曜逆來凌
 者即災甚也若善星在前惡曜逆來犯者災
 亦甚重矣若星曜在後惡星逆來凌者災尤
 重也若善星在前惡星在後惡星行疾者不
 為凌不凌不犯不為災也若七日內有凌犯
 者即不為離禍禍若日月在高處善星在下
 位來剋不為災也若善星與日月在下位惡
 星在高處來剋必為災也若俱在高處所剋

不深者在下位所犯必重也若生時日月交
 蝕則不具足也若火逆來見日月得善星救
 則損目不救則撮口死木主重位土主重務
 金主女人女業水主文才火主武畧交主兵
 權天一主服色貴太一主刑殺日主天子月
 主后妃月在第五多男女水在西沒怕妻火
 逆非命土犯命少孤宜為道僧火犯命勇猛
 好殺木犯命有壽金犯命有女人之厄水犯
 命劣伎能日犯命貴人重華曜犯命妨妻金
 性快自用意火性急難侵犯土性厚多仁惠
 水性聰多能解木性仁好稷直日主先代月
 主外家木為福惠火為官土為田宅金為妻
 水為藝業土為腹疾水為冷疾火為官事蟲
 傷金為女人色慾木為風疾水為文學言語
 行年災福第十二

喜在順行之時仍須在有力之地木至身命
 主先有災憂後有大喜若得火為主災在逆
 伏身命及行年必為災若是主星即看何時
 至官命及第三第九皆為有喜之時也若得
 土為主合作事鈍滯多破財病病在逆伏之
 時也若是主星即合有土地之權須在有力
 之地若庶人則多錢穀若得金為主看何時
 到本玉廟之官皆為有喜之時也又常以生
 時三絕六害之宿定逐年吉凶亦甚準的宜
 用之也歲星入命主速行起災位寅上得財
 見貴人丑上兄弟不和子上損六畜或因六
 畜所損亥上憂子戌上遠行吉酉上主貴子
 遷官申上平平未上大喜亦妨鞍馬災午上
 遷官已上得知已力辰上遠行即吉災未入
 命六十日驚恐瘡腫血光寅上失財丑上得
 財子上官災疾病亥上憂妻子戌上損六畜
 奴婢酉上女人口舌妻子血光申上為人謀
 害未上作事不成午上憂官巳上大吉小人
 即凶辰上兵厄生時得力不為災鎮星入命
 夜生災寅上小口破財丑上大吉子上遠行

亥上子孫爭論未上邊官戌上有喜商上妻
 患申上大吉午上加官已上憂小口哭泣辰
 上破財太白入命爭訟起寅上加衣丑上加
 六高子上忌咒詛亥上有疾病口舌丙上逢
 貴人戌上進財申上女人為災午上有不剛
 之喜已上大人舉薦辰上惡人累及天一到
 處皆為喜太一到處皆為災蝕神入命毀謗
 口舌寅上損財丑上兄弟不和子上父母疾
 病亥上損子戌上得貴人力兩上損財妨妻
 申上貴人往來未上百事吉午上先憂後喜
 已上得貴人接引辰上心不安為人連累火
 至三六十一皆喜木至二五七九皆喜若逢
 入六十火來即死水日火至命皆為災土至
 三六十一喜金至三四五十二皆喜行年
 至土元守官災至火元守合有子火土見力
 減至木元守官火土見亦為災至金元守宜
 婚姻有子至水元守官土火見有災不見則
 不為災至月元守官火土見災重至日元守
 官宜入仕見貴人至土元守官亦多災日月
 至土火元守官土火至日月元守官土至火

元守官皆為災重日至金元守喜火至金元
 守有女人災土至金元守喜土至木元守有
 官災木至火元守有子火至土元守喜土至
 日元守災火至月元守破財疾病木至土元
 守大富得財金至土元守大吉金至木元守
 因女人破財金至火元守心疾金至木元守
 因文書喜水至木元守有盜水至金元守有
 官火至木元守憂公事日月至木元守皆有
 喜
 右件行年更有細微災福備在諸經此即據
 要而已故不盡錄也

靈臺經

秤星靈臺秘要經

明五行之性各異

木性強直火性猛烈土性仁和金性嚴毅水
 性謙退

權災星法

人倫經云申酉為八殺位此位唯不宜見火
 郭景純以火在西沒故知不令終因以法權
 先須淨修一廁常須焚香勿令人往只自己
 如之作法時即須披頭仗劍立此廁間如一
 頃刻不違人即置劍於廁中可以讓之若人
 見之則彼此不免也其時被桓玄見之璞曰
 與爾俱不免也後果如其言其法不欲匿之
 樞如金匱經後一行與李筌撰筆斯經卷內
 收之余恐師巫以為取資之具就軍中勸其
 疏已去之更不備載今復慮年紀綿邈流落
 其本故別錄之

權法

候火星行度來到元守官分度一如生時遠
 近度數合於何日符同遠先絕者能自晨居
 靜室草飯了至日午可裸形仗劍入廁作法
 廿九